

Script Of Evening Gojri News Bulletin 11 August 2024 at 1700

Hrs

یوہ آکا شوانی جموں بے عبدالمجید تے باغ علی طاہر تیں خبر سنو۔ پہلاں خاص خاص خبر۔

- *1- وزیر اعظم نریندر مو دی نے زیادہ پیداوار دین تے موسمی حالات ماتہ برداشت کرن غے قابل فصلان غا 109 نواں بیجاں غی قسم جاری کی ہیں۔
- *2- وزیر دفاع راجناتھ سنگھ نے جموں کشمیر ماتہ دہشت گرداں سنگ ہوا اک ٹاکرہ ماتہ شہید ہوا جواناں ور دکھ ظاہر کرتاں واں غمزدہ خانداناں سنگ تعزیت کی ہے۔
- *3- لیفٹنٹ گورنر منوج سنہا غو کہنو بے جے جموں کشمیر ماتہ اسمبلی چناواں غی تاریخاں غو اعلان کیا جا غو اختیار چناؤ کمیشن ماتہ ہی حاصل ہے۔
- *4- تے جموں غا ڈویژنل کمشنر نے جشنِ یومِ آزادی سال 2024 غی تقریب بارے تیاریاں غو جانزو لیو ہے۔

خبران غی تفصیل نال پہلاں باغ علی طاہر۔

PM Modi

وزیر اعظم نریندر مو دی نے اج انڈیا ایگریکلچر رسرچ انسٹیٹیوٹ نویں دہلی ماتہ زیادہ فصل دین آلی نالے موسمی شدت غو مقابلو کرن غی صلاحیت رکھن آلی فصلان غی 109 قسماں ماتہ جاری کیو۔ یہ قسم 61 فصلان غی ہیں۔ جن وچوں 34 فصل کھیتی باڑی آلی جد کہ 27 فصل باغبانی سنگ منسلک ہیں۔ کھیتی باڑی آلی فصلان ماتہ بکھ بکھ اناجاں غا بیج، چارہ غا بیج، تیلان تے دالاں غا بیج، گناہ، کپاہ تے دوجی ایسی فصلان گا بیج شامل ہیں۔ اس توں علاوہ باغبانی آلی فصلان ماتہ بکھ بکھ سبزییاں تے پہلاں غا بیج، شجرکاری آلا بوٹاں غی قسماں غا بیج، آلو مسالاں، پُھلاں تے طبی اہمیت غا بوٹاں غا بیج شامل ہیں۔ اس موقع ور وزیر اعظم نے کساناں تے سائینسداناں سنگ وی گل بات کی۔ ان فصلان غی اہمیت ور زور پاتاں واں وزیر اعظم نے کہیو جے یہ فصل زرعی سیکٹر ماتہ مزید آدنی پیدا کرن ماتہ نمایاں کردار ادا کریں گی۔ اس موقع ور کساناں تے وی اپنا خیالات غو اظہار کرتاں واں کہیو جے فصلان غی یہ نویں قسم کھٹ خرچہ ور زیادہ پیداوار دین غے نال نال ماحولیات ور وی مثبت اثر چھوڑیں گی۔ وزیر اعظم نے اس موقع ور بولتاں واں سائینسداناں غی کوششاں غی وی سراہنا کی۔

Rajnath Singh

اننت ناگ ضلع غا کوکر ناگ علاقہ غی اہلان گگر مندو بستی غا جنگلات ماتہ کل سلامتی دستاں تے دہشت گرداں بشکار ہوا اک ٹاکرا ماتہ فوج غا 2 جوان شہید جد کہ 2 عام شہری زخمی ہو گیا۔ اک دفاعی ترجمان نے جانکاری دیتاں واں دسیو ہے جے شدید زخمی حالت ماتہ فوج غا دوہاں جواناں ماتہ ہسپتال پجایو گیو جت وے زخماں غی تاب نہ لاتاں واں دم توڑ بیٹھا۔ زخمی ہوا دو عام شہریاں ماتہ وی طبی علاج غی کاطر ہسپتال منتقل کیو گیو ہے۔ آخری اطلاع ملن توڑی فائرنگ غو تبادلو جاری تھو۔ وزیر دفاع راجناتھ سنگھ نے فوجی جواناں غی شہادت ور صدمہ غو اظہار کیو ہے۔ انہاں نے

غمزدہ خانداناں سنگ تعزیت غو اظہار کرتاں واں کہیو کہ قوم اس دکھ غی کہڑی مانہہ
غمزدہ خانداناں نال کھلی ہے۔

Kishtwar Encounter

ضلع کشتواڑ غا پاڈر علاقہ مانہہ سلامتی دستاں تے دہشت گرداں ہشکار فائرنگ غو اک
مختصر تابدلو ہووے ہے۔ سرکاری ذریعاں نے دسیو ہے جے کشتواڑ پولیس تہاہ غی حدود
غے اندر دہشت گرداں تے سلامتی دستاں ہشکار فائرنگ غو یوہ تابدلو ہووے ہے، جس
غے بعد علاقہ مانہہ تلاشی کا روائی شروع کی گئی ہے۔ دسیو گئیو ہے جے فائرنگ غو یوہ
واقعہ پاڈر، ہٹام پل ور قریب ساڈا 11 بجے پیش آيو۔ تلاشی کاروائی اجوں وی جاری ہے۔
تے مزید اطلاعات غو انتظار ہے۔

LG Polls

جموں کشمیر غا لیفٹنٹ گورنر منوج سنہا نے اج کہیو ہے جے یوٹی مانہہ اسمبلی
چناواں بارے تاریخاں گو فیصلو کرن غو قطعی اختیار بھارتی چناؤ کمیشن نانہہ ہی
حاصل ہے۔ البتہ انہاں نے امید ظاہر کی ہے جے سال 2018 مانہہ پی ڈی پی تے ہی جے
پی مخلوط سرکار ختم ہون غا 6 بہراں بعد مرکزی سرکار غی حکومت غے تحت جموں
کشمیر مانہہ ہن تاولاں ہی اسمبلی چناؤ کرایا جائیگا۔ جموں یونیورسٹی مانہہ ”مالویا
مشن ٹیچرز ٹریننگ سینٹر غی نویں تعمیر کی گئی عمارت غا افتتاح غا موقع ور اخباری
نمائنداں سنگ گل کرتاں واں لیفٹنٹ گورنر نے گذشتہ جون مہینہ مانہہ سرینگر مانہہ
وزیر اعظم غی طرفوں تاولاں اسمبلی چناؤ کرایا جان غا وعدہ غو حوالو دتو۔ انہاں نے 5
اگست 2019 مانہہ وزیر داخلہ امت شاہ غی طرفوں اسمبلی چناؤ تاولاں کرایا جان تے اُس
غے بعد ریاست خود رجو بحال کرن غا وعدہ غو وی حوالو دتو تے کہیو ہے اُن نانہہ یوٹی
مانہہ تاولاں ہی چناؤ کرایا جان غی امید ہے۔ انہاں نے چناؤ کمیشن غی طرفوں کیا گیا
حالیہ یوٹی دورہ غو وی حوالو دتو تے کہیو ہے چناؤ تاریخاں گو اعلان کرن غو اختیار
چھڑو چناؤ کمیشن نانہہ ہی حاصل ہے۔

PM Natwar Singh

نائب صدر جمہوریہ جگدیپ دھنکڑ تے وزیر اعظم نریندر مودی نے بھارت غا سابق وزیر
خارجہ نٹور سنگھ غی وفات ور دکھ غو اظہار کیو ہے۔ سماجی میڈیا ور اپنی اک پوسٹ
مانہہ نائب صدر غو کہنو تھو جے نٹور سنگھ نے وزارتِ خارجہ سمیت بکھ بکھ عہداں ور
رہ غے ملک غی خدمت کی ہے۔ جناب دھنکڑ غو کہنو تھو جے اک بہترین لکھاری تے
دائمی شہرت رکھن آلا نٹور سنگھ نے قوم غی خدمت کی۔ وزیر اعظم نے جناب نٹور سنگھ
غی طرفوں عالمی سفارتکاری تے خارجہ پالیسی نانہہ یاد کرتاں واں کہیو ہے وے
استوں علاوہ اک دانشور تے قابل ادیب وی تھا۔

I Day Reasi

اٹھترواں یوم آزادی غا موقعہ ور بھارت یاہ باہر تیں اُن خصوصی مہماناں نانہہ لاقلعہ نوی
دہلی مانہہ آزادی غا تہاڑے غی تقریب مانہہ موجود رہن واسطے مدعو کیو گئیو ہے۔ چہیڑا
وزیر اعظم غی طرفوں لال قلعہ ور قومی جھنڈو چاڑن غا گواہ بنیں گا تے وزیر اعظم غا
خطاب نانہہ سنیں گا۔ جموں کشمیر غا دور دراز ضلع ریاسی غی مونیکا شرمانانہہ وی

قومی راجدھانی مانہہ یوم آزادی تقریب مانہہ مدعو کیو کیو ہے۔ مونیکا شرما ریاسی غا دور
 دراز علاقان مانہہ خواتین غی باختیاری واسطے کم کر رہی ہے۔ مونیکا شرما نے
 خصوصی دعوت ور خوشی غواظہار کرتاں وان اس طرح کہیو۔۔۔ بانٹ۔۔

یہ خبر تم آکا شوانی جموں تیں سن رہیا ہیں خبران غا باقی حصہ نال عبدالمجید۔

Div Com Tiranga Yatra

صوبائی کمشنر جموں رامیش کمار نے گذشتہ روز ضلعان غی انتظامیہ، بکھ بکھ محکمان
 غا سربراہان غی اک میٹنگ غی صدارت کی۔ میٹنگ مانہہ ترنگا یاترا تے اس سال یوم
 آزادی منان غا سلسلہ مانہہ کی گئی تیاریاں غو جائزو لیو گیو۔ ڈی آئی جی جموں ساتہ
 کٹھوعہ رینج، ڈی آئی جی ٹریفک جموں، صوبہ جموں غا ڈپٹی کمشنران تے بکھ بکھ
 محکمان غا سربراہان نے اس میٹنگ مانہہ شرکت کی۔ صوبائی کمشنر نے ترنگا یاترا،
 ترنگا خراج عقیدت، ترنگا تقریب، ترنگا پارے عہد تے ترنگا کنواس غے متعلق صوبہ جموں
 مانہہ ضلعان انتظامیہ غی طرفو کی وی تیاریاں با رے جانیو پالیو۔ یا درہ جے ضلع
 جموں مانہہ ترنگا یا ترہ 12 اگست ناہہ منعقد کی جائے گی تے یاہ یا ترا پولیس صدر دفتر
 گلشن گراؤنڈ تیں شروع ہو گے جموں یونیورسٹی غا پچھلا گیٹ، گجر نگر توی پل تیں
 بوتان وان واپس پولیس صدر دفتر مانہہ اختتام پزیر ہو جائے گی۔ صوبائی کمشنر نے تمام
 ضلعان غی انتظامیہ ناہہ ہدایت جاری کیں جے ترنگا ریلی غے متعلق دوجا ثقافتی
 پروگرام، ضلع تے سب ضلع سطح ور منعقد کریں۔ دفتران غی ویب سائٹ غو پس منظر
 ترنگا غا طور ور تبدیل کرن غی ہدایت وی دتی گئیں۔ ترنگا ناہہ خراج عقیدت پیش کرن
 غی سرگرمی غے تحت افسران ناہہ کہیو گیو ہے جے وے شہیدان غا افراد کُنباں نال جا
 غے ملیں۔ تے اپنا اپنا ضلعان مانہہ شہیدان غا شیلپیٹ تے مجسمان ور ان ناہہ خراج
 عقیدت پیش کریں۔ اس تیں بعد غی سرگرمیاں غے دوران شرکت کرن آلا ترنگا غو عہد
 لیں تے اپنو پیغام ترنگا کنواس ور لکھ غے نوی دہلی بھیج سکیں۔

NEET PG Exam

نیٹ پوسٹ گریجویشن سال 2024 غو اینٹرننس امتحان اج منعقد کیو جا رہیو ہے۔ میڈیکل
 سائنسز گا امتحانات کرایا جان آلا قومی بورڈ غی طرفوں یوہ انٹرننس 2 شفٹان مانہہ منعقد
 کرایو جا رہیو ہے۔ اس امتحان مانہہ 2 لکھ تیں متی تعداد مانہہ طالب علم شرکت کر رہیا ہیں۔
 واضع رہ جے نیٹ پوسٹ گریجویشن غو یوہ امتحان گذشتہ جون مہینہ مانہہ انٹرننس غا
 اک روز پہلاں ملتوی کر دتو گیو تھو۔ یوہ فیصلو کُجھ مقابلاجا تی امتحانان غے دوران
 لگاتار بددیانتی غا الزامات غے بعد کیو گیو تھو۔

Kathua EPSKN

ایک پیڑ شہید کے نام“ پروگرام غا اک حصہ غے طور ور شہید رانفل مین آرجن سنگھ
 ناہہ اس غا آبائی گراں چک دیسا سنگھ پنچایت گھر مانہہ زبردست خراج عقیدت پیش کیو
 گیو۔ اس موقع ور خاصی تعداد مانہہ گرائیں لوک دیہی ترقی محکمہ غا سسٹنٹ کمشنر
 اکھیل سدوترا، شہید ارجن سنگھ غا افراد کُنباں وی ات موجو دتھا پنچایت گھر مانہہ بنی
 شہید یادگار ور تمام لوکان نے پُھل چاڑ غے شہید ناہہ خراج عقیدت پیش کیو۔ نالے شہید
 غا افراد کُنباں ناہہ ان غا اعزاز مانہہ شال پیش کی۔ ات بولتان وان اے سی ڈی اکھیل سدوترا
 نے کہیو۔۔۔ بانٹ۔۔

JK World Record

جموں کشمیر غا با رہمولہ ضلع غا نوجوانان نے کانشر رواج ثقافتی تہوار مانہہ اپنا نان
مانہہ یونیورسل ریکارڈ فورم مانہہ درج کراغے عالمی ریکارڈ قائم کیوہے۔ مذکورہ تہوار
مانہہ دس ہزار نوجوان کا سلریاں نے کشمیری لوک ناچ پیش کر غے یوہ عالمی ریکارڈ
بنايو۔ 78 واں یوم آزادی غا موقع ور دس ہزار خواتین نے پہلی واری اتنی متی تعداد مانہہ
کا شر رواج ثقافتی تہوار مانہہ ایسو کشمیری لوک ناچ پیش کی وے۔ یاہ بڑی تقریب فوج غا
چنار کور غا ڈگر ڈویزن نے ضلع انتظامیہ با رہمولہ تے اندرانی بالن فاؤنڈیشن غا تعاون
نال منعقد کی تھی۔

Olympic

پیریس اولمپکس سال 2024 مانہہ بھارت غی مہم اختتام پزیر ہو گئی۔ پیرس اولمپکس مانہہ
بھارت نے کل 6 میڈل حاصل کیا۔ اولمپکس کھیڈ اج رات سٹیڈی ڈی فرانس منعقد کی جان آلی
اختتامی تقریب غے بعد اختتام پزیر ہو جائیں گی۔

اس غے نال ہی خبراں غو یوہ بلیٹن ختم ہوؤ۔